

Lili

Sie zwängled und drängled, sie stohd nie hende a
Und wenn's öppis ged, chond sie emmer zerscht dra.
Sie zwängled und drängled, sie stohd nie hende a
Und wenn's öppis ged, chond sie emmer zerscht dra.

Sie fahrt ehri Ellböge us. Do halt ech mech lieber drus.
Sie fahrt ehri Ellböge us. Do halt ech mech lieber drus.

Denn siie zwängled und drängled, sie stohd nie hende a
Und wenn's öppis ged, chond sie emmer zerscht dra.
Sie mötzled und chötzled ond wenn ehre öppis ned passt,
Holt sie tüüfe Schnuuf und rüeft mol en Rondi us.

Ond seid mier öpper doofi Griite,
Stod sie schnell a minere Siite.
Schreit die ander a: «Du blödi Chue!»
Loh mini Fründin sofort in Rueh!

Und wenn das alles nüd nützt, denn haut sie und schlod dri,
Niemer wett i dem Momänt i ehrere Nöchi si.

Das isch mini Fründin d'Lili. Genau eso könn ech si.
Das isch mini Fründin d'Lili. Genau eso muess sie si.

Sie lod sech nüd lo säge, macht nor das was sie guet fend.
S'esch ned emmer eifach, wenn sie weder einisch spennt.

Doch e chli vo ehrem Muet. Das täti mier richtig guet.
Doch e chli vo ehrem Muet. Das täti mier richtig guet.

Denn wörd ech mötzle und chötzle ond luut afo trötzle wörd
Drängle und bängle und quengle und zwängle,
Genge und biise a ehrne Hoor riise,
Schüpfle und stosse, flueche wie die Grosse,
De Högu stelle rotze, allne eis botze,
Spöize und chräble, die wörded fascht verräble,
Bes mini Fründin fend: die spennt!